

慎齋詩鈔

卷上



09516

墮金鑄金



光緒元年  
冬月開雕

慎齋詩鈔卷上

湘陰左宗植仲基父著

初至新化贈張蓉裳學博

家渠

我初試緇塵鄉貢赴京甸踏月款湘館始識先生面塵囊  
發鳴琴行篋誦詩卷清言似味蔗往往耐嚼嚙長安仕宦  
海空惚預計選得官宰百里孥僕欣以怵庶幾杼夙抱盤  
錯利器見誰知達者懷自匿不可諫朝上投劾書莫授文  
學掾酸寒古梅峒環堵壞不繕瓦吹風打頭牀漏夜易薦  
旁人或色難先生乃安便陶然斗室中絃歌雜諧宴閒吟  
七字詩號占萬象變雪風入牙頰歎飲出璀璨粼粼溪流

慎齋詩鈔卷上

清觸石蹙渦游自然成文章足可醫汗漫觥觥歐夫子

謂

東詩

老 古處耄不倦縞紵半南北目歷幾宿彥獨喜從吾遊

款款似親串飄然李郭舟那顧望者羨鯁生少爲儒兀兀  
事文研辭親學干祿妄想那能免歸來湖湘閒習飛始斥  
鷄移家就冷署甘旨懼不辦差幸苜蓿盤臭味同所願惟  
慙論年學短綆及道淺祇有肝鬲閒迂拙不自賤何圖君  
子知刮目及蹇鈍資西盛桃李簇簇花滿縣濂溪此遺澤  
望古想空緬凜然俎豆旁何術盥昏懦枉辱忘年契溫獎  
懼非分古人金石交頌禱寓箴勸歲晚霜雪零君軀幸保  
善微詩聊以贅并用志繾綣

贈楊紫卿上舍

季鸞

北行兼簡湯海秋

鵬

泉林有佳士抗志凌雲霄艱虞鍊奇骨鬱屈成騫超我懷  
素心人邂逅非一朝清風江上來埽榻聯殘宵吟君春星  
詩發藻親風騷誰言子雲吃乃擅太白豪諧談雜藥石飲  
我真醅醪嗟予久索居嚶鳴求其曹常恐志節墮日月如  
丸跳昨者湯海秋千里寄瑤瑤上言加餐食下言厲孤標  
今又喜見君有如漆入膠由來氣類感開懷樂陶陶願言  
數晨夕伊人永逍遙黃鵠忽遠別千里長安郊君才遇知  
音廣樂羅絃匏甯當啞皇琴而不登琅璈文章雖有神語  
道未云高真契在千載努力各所操儻遇搏南子爲言思

慎齋詩鈔卷上

一一

念勞

爲友人題真二首

熱客恥蕭散野夫忤冠襟陽春假歡睽脫露成幽尋夾溪  
綴柔條棲枝歡羽禽和風釀野色襲襲盈春溽旗槍發新  
茗餅鉢冥孤斟撫序悅清曠遂我逍遙心卽事良足多取  
適不在深感茲動遐喟明當辨泉林

右嬉春

秋色湖上來落葉滿林莽西風亦何爲萬象貢新爽林虛  
楓影稀磴斷苔色上屏居富虛暇景物此延賞幽蘭必空  
谷野菊勿益益平生得秋氣風日每孤往尙諧文字飲散

懷吾其儻

右訪秋

邵陵贈譚三

錫洪

同年卽送其仲兄桐生

祖同北上

我初未識君姓字不相報邂逅識君弟蹤迹始資邵爲言  
長頭兄磊落負雄鷲蹉跎隨仲氏湖海似梗漂鴛鴦雙南  
飛天未不可叫謹密耳漸熱未面意可貌昨君好兄弟先  
後歸鑣到下馬肯揖我衫裋塵未埽我辰踉蹌迎出戶不  
及帽須臾通寒溫展轉致慰勞誰言新知樂未免相兀傲  
肝膽各古劍塵藏吼寒韜生平習疏狂頗不下朋少氣類  
苟勿屬不如伍闍竈牙琴入鍾耳所貴在同調徐徐頌新  
句稍稍斑窺豹君家詩有師鳳簫發清噉謂尊人鑲諸君  
鳳之雛驚鳴在啄菹仲也妙珍琢綺響出竅明珠臥九

慎盒詩鈔卷上

三

幽下有毒龍抱刺拔不得出潛晶乃一曜君弟亦能詩儻  
輩頗傾倒益以君詩卷會我親勘校天馬厭羈鞅絕足肆  
騰蹕有時極悲歡肝肺洞相照陶然一室內參錯羅衆妙  
祕義剖皇墳歡言佐醕醢分曹試官筭倚曲激笙踞荷晨  
面漣漪茗夕仁朏眺郊開雲扇訪石躡苔屨狂談跋海  
浪清氣匯秋潦心親無毛苛面譽罔腹誚我生三閭鄉風  
騷仰先導楚纍懷古靈洛少佩幽耀才疏賦命薄那免邁  
譏笑頻年遭艱虞骨肉閔凋耗酸寒寄廡下有似松間蔦  
衰親違晨昏弟妹離少小見君雙綵衣連隊舞且蹈秋鎧  
照子魂四壁哀蛩噪中夜起彷徨羨君還自弔我友二三

子行身砥圭瑄楊卿

紫

生坐詩窮周

華

湯

海

宅京兆勞九

辛

頗密邇近鼓衡陽權親知各雲散團沙勢不膠會面曾幾  
時使以行期告八月草木黃林柯舞風燾仲也卜遠適塵  
裝促簡料驅車指京國欲和南薰操聞君雖少留征輪行  
且膏顧我戀朋串有如魚在罟才華似君輩得志必廊廟  
自然縱青冥豈待擲杯琰所貴適時用抱負具偉要文章  
亦細事聚散固奚較努力前途遙相期在永好  
除日以冬筍遺鄧湘皋廣文

蟄籜不成龍生意猶自負結梗在山阿甘白得稟受君看  
霜雪中抱節深自守屈蟠戴荒穢嚼齧肆颯颯鄉俗賤如

慎齋詩鈔卷上

四

蓬羹臠例蔥韭蘧筐落邨市珍惜復何有貧家便齋藪佳  
節迫椒酒頻年涉漂梗生計辦炊白對此慙微值所得過  
瑤玖因思南邨翁鄉味久離口故山屠酥酌今夕定誰侑  
想欲舉鄉風獨倡疇予偶叩門來玉版願作苜盤友莫嫌  
廣文貧胸中有千畝

長沙送朱丹木孝廉履北行兼簡譚桐生

祖同

未識君面見君詩掩卷貌君人謂癡冬風吹熟資江酒握  
手一笑渦生頤袁耽兄弟盡奇傑交口譽君爲耳熱鳶肩  
火色電兩瞳肝膽輪囷貯冰雪愛君頗恨識君晚苦語狂  
歌慰孤館一樽湘水又青春惆悵良辰嗟別遠

九重日旰朝邇英君才未應厭承明

君以前年挑取河工知縣

宣防簿

領細事耳要快舟楫航蓬瀛故人天末遲君久龍劍會合

應非偶顧我飄墮湖湘濱有似斷飲觀朋酒驪歌一曲君

當發澗岡相望出復沒回頭卻顧送君人獵獵霜風砭肌

骨

桐生昆仲君之婦兄也有袁孰兄弟之句

旅次暝興  
暝色蒼然至孤墟搖夕暉寒砑依野水黃葉上征衣身

世遽如此吾生安所歸祇應昏鋪烏不厭稻梁微

夜坐寄懷歐陽礪東詩老

紹洛

龕燈明滅舍如窠此夕懷君觸緒多前輩飛騰扶大雅後

慎齋詩鈔卷上

五

雕松柏見高柯涼風天末生秋興黃菊樽開憶醉歌莫更

吟遊勤秉燭

健談每至夜分在新化時殆無日不然

夜深魑魅喜人過

洪鐘萬口

怯君贈句云爾魑魅句蓋近事

長風吹孤禽一首贈友人

長風吹孤禽飄墮天一隅但爲還鋪故黝翎慘不舒始我

巢君室銜泥尾畢逋翩翩雲中鴻青冥相招呼顧惟信冥

越稻梁非所圖窮年銜黃花薄報未云劬似聞東牆隙彈

弋潛僮奴知非主人意慧吻閉若愚銜蘆失前警險微有

須臾衰哀謝主人臆對囁復嘯霜月照寒翼清風搖故廬

昂鳴理歸翰去去毋踟躕

雨雪曉步蓮花池上作

時腹疾良已蓮亭在  
通判廡秋間傾圮矣

畏景怯塵步臥疴對窗巘一雨中微涼晨光媚幽眇初窺  
雲扁闌乍籥飛橋轉披披新萸濯洋洋遊條竄綠波滴圓  
珠丹葩灼朝電荒園無翦闌草露溼雙骨蕪蕪甯復論蕭  
散亦可願幽賞亮無悶多營道所賤開懷成孤吟浩蕩寄  
臨盼

七月十三夜被酒登雙清亭道者送茶至

醉眼忽洗江風腥獨踏亂石眠石亭峭榭出壑夜龍黑幽  
塔刺霄孤劍青終古雙流有今夕三人明月自前庭道翁  
好惜秋江茗留著頻來款露局

慎齋詩鈔卷上

六

邵州十首

古郡闔喬木連山深戍樓感懷多故國慘澹况新秋醉眼  
乾坤大蠻江日夜流平生湖海士未要著閒愁

黔粵西南控烝湘首尾并雲蒸山砦雨市雜崗搖聲戍將  
酣絲管邊胥老送迎

昇平多樂事感槩愧儒生

武安昔報士痛哭起孤城

鄧處訥以唐昭宗時  
爲武安軍節度使

往蹟方蠻

觸前徒倒旆旌

謂蔣勛輩

龍驤驚夜宴虎甲誤東兵千載隆回

恨祠雅語不平

孔雀灘聲險青溪峽石巖順流輸岢鐵逆浪轉淮鹽野老

迎僮吏溪龙吠矮檐生涯鄉邑儉來往漫愁添

舊俗渺何代因沿難具窮蘆笙醉烏鬼畫角賽端公俗佞此神

每賽祭使村兒朱藍四目象神尸祝之尚女鞞塗阜邨婆髻妥銅村媪好以小銅瑤加

不嫌荒野甚古意近誰同

太守譚夫子江湖數鉅公廉平即鸞鳳浩蕩許鷗鴻邵父

風流舊賈生年少窮相酬無長物長劍倚空同

別館依林構東山入戶斜夜風呼怪鳥細草偃脩蛇牢落

溝中斷飄零溷底花興移拚一醉水酒不堪賒俗釀米為水酒不中

飲

磯磴眠山月衙池坐檻藻白沙宵宿鷺紅露曉窺魚寓物

慎齋詩鈔卷上

七

殊多態孤生百不如祇應適幽意芒屨莫慵疏砥柱磯亭在城東二

里許蓮花池在通判衙左

海雁幾時別衡陽今日歸故人心向爾寄我語依稀嶺樹

逢搖落雲山夢是非菊英餐未得頻噓入朝餞

窗前好梧桐見爾三歲中盤薄動白日秋嚴多烈風乾柯

已半死闊葉仍千叢昨夜打疏雨琅玕罄碧空

雙清亭二絕句

穀子殷紅阜莢稠資江七月似殘秋白石疏松山徑晚亂

蟬如磬起江樓

水抱層樓樹夾灘塔煙人影對江閒西風無限登臨感一

片歸心滿碧山

曙雲別館夜起

薄暑殫遙夜吹鐙坐前榮露螢窺鏡墮山月入牀明異縣  
家書斷風塵鬢髮更秋蛩莫催咽旅夢不堪驚

讀五代史二十首

午溝蛇

午溝赤蛇一尺圍紇干山頭凍雀飛顛狂漫說天公醉老  
賊相呼卻是誰

建國樓

重瞳帝子莫猖狂護聖爭誇寶劍光建國樓傾珠數足卻

慎齋詩鈔卷上

八

教遺事弔龜堂

玉界尺

興亡憤憤付庸才故國清流白馬哀何物人間玉界尺押  
傳金寶僞廷來

王鐵槍

夾河百戰豹留皮死事雖奇未是奇拜爵朱三終賊將廬  
陵佳傳要論思

上源驛

眇龍天喬涉風波毒手尊拳奈若何三矢錦囊無恙在朱  
家葬地此無多

李天下

馬頭御曲萬聲來末路愁臺亦可哀莫問英雄李天下五坊樂器葬寒灰

鐵厥心

橋上方環鐵厥心官家省事涕縱橫佳兒惜作金鎗死回首黎陽愧此生

郭侍中

侍中忠略冠當朝騎虎偏逢駟馬驕枉著乞援兒女子淮陰未許與聯鑣

壘浮圖

慎齋詩鈔卷上

九

壘卻浮圖合卻尖穹廬石爛起猜嫌如何十萬橫磨劍眼看甍裘陸仗嚴

石榴開

石榴花發石榴開操刺都軍上黨來變態驢龍妖夢踐善防太傅亦何哉

郭雀兒

賣國頻煩謬語人雕青天子古無倫太原上策當年決未便黃袍穩著身

阿父歎

燕吳并冀指揮中虎眎龍興命世雄可惜而翁光祿在洛

陽會不及新豐

長樂老

武夫亦有張生鐵偽國猶聞孫判官可笑痴頑馮老子壽  
齊尼父亦何顏

平邊策

畫閣功臣列上頭區區王

謂王俊

李

謂李穀

總非傳雲霄萬古

平邊策合在元龍百尺樓

鳳翔賊

神龍失水競居奇鼠賊闖覩更可嗤不託未堪營一膳司  
空太保欲何爲

慎齋詩鈔卷上

十

東海鯉

卅六英雄只惘然孔明故事落奸權楊頭未斫參軍踏東  
海鯉魚飛上天

桃氏酒

桃姬酒賺相公頭蒼鶻兒噓不解愁七尺雷塘埋恨土吳  
儂驅瘴錯相求

踏破錢

穿眼何曾踏破錢休民長世亦差賢史家特著訾求甚寶  
正紛紛詫改年

腐儒恨

正統連兵計總迂睡王淪約勢援孤太行不斷盟津路失  
算當年殺腐儒

三高士

滄海橫流有故吾華陰松下是吾廬人間圖畫殊多事那  
顧新朝謬丈夫

行邵陵道中宿界嶺作

嚴馭涉荒甸積峽有閉啓亂石何崔崔行子頽兩趾沈照  
歸饑禽稅輿卽林市風櫺瞰邃澗林臥魂夢峙松櫟多酸  
風驚鳴刺人耳悔往惜前昧艾來踏新躓勞生何所營吾  
其斷塵軌

慎齋詩鈔卷上

十一

讀十六國春秋雜言

都離石

絳灌恥無文隨陸恥無武離石賜環碓羯鼓從此蛟龍得  
雲雨典午紛紛牛馬續赤帝金刀落甥族奴才不才真汝  
福

赤龍飛

東堂盟敗西明破漢家豚犬來升座羯胷鳴張屠各驕爲  
寵鷄儀殺元佐螽斯燼滅螟賊親赤龍飛去天公嗔于嗟  
猗尼汝何神

千里駒

千里神駒來赤壁六璽受降讐賊滅荔奴方略侍中策水  
行橫流世無敵終南眼見敗趙昌石渠醉倒劬秃當杜康  
何神亡汝皇

師歡奴

師歡奴天下主眼中礪落高光侶狐輩紛紛那足數右侯  
死豐宮回寢門一閉鈴墻哀秦王不來中山來枉向臣遐  
誦伊霍當年底受豔妻愬

破車犢

黃吻婢兒宮中死快牛破車看犢子凌霄觀上笑無愁東  
宮遊罷秦公遊彌梯墳借鹿盧雪三斛純灰腹難滌向來

慎齋詩鈔卷上

十一

臬室無鳳雛但看秦武成林棘

朱龍蹙

移石獸走湖狼斫巴奴斬讓皇

謂李農

朱龍一蹙雙矛降虜

鞭三百哀囚王于嗟當年秦晉歸洛陽馬家豈少通侯王  
金行不反終獺狝奴僕下才真後亡

步搖冠

步搖冠紫蒙里東北真人無乃是勤王仗義謬言耳西侵  
北伐鋒莫當騰箋吹沒鯨波狂天臺遲速封燕王

海三凌

遼海一表書一紙左晉外家驚欲死烏丸宇文相繼平況

得蹇蹇國士之封生祇思家令數千字慙對玄恭好兄弟  
君不見海波三凍遼西誅令人長笑袁本初

蒲池讌

一戰擒棘奴再舉伏胡羯晚年孟德悲蒼舒醉坐蒲池弄  
華髮死胡一夜夢寢門可憐豚犬真新君太原死吳王奔  
梁山巨武來縛人長城自壞聲暗吞可是叔仁豫策涓東  
恥不然燕馬何當飲渭水

洪水起

洪水起自枋頭提兵十萬居上游關中未定死豎子馬上  
沛公真妄耳吁嗟兒曹竟不辨中原三羊五眼聞未聞破

慎齋詩鈔卷上

十三

家惜不誅盲孫

西宮誠

潼關四扇西兵揚虎口餘生稱天皇來賓靈臺次興作漢  
家約法仍三章西宮顧命誅酋帥可笑老羸真老悖轉頭  
百里望城空東海大魚來作龍

寄黎夜存孝廉二首

闊隔重攜笑語長搏沙蹤蹟重難忘百年心喜得君壯三  
尺喙誰容我狂銀燭深杯湘館夜矮船寒水野梅香相逢  
莫著窮愁感起舞崢嶸看劍芒

水南水北路迢迢斷送流年付逝潮少壯幾時看鬢髮羽

毛何日是雲霄河天水漲春多雨野屋燈深坐半宵千卷  
藏書一壺酒思君未肯楚辭招

舟泊銅盆湖寄別舍弟季高三篇

征帆挂湘波客心搖風旗臨分不能別拭淚恐子知念子  
少而慙孤瘦唯我依與子雖兩身體具

先人遺風塵浩無極惻惻不得攜有如邛駝虛食望迭相  
違昔爲湘中役泥塗沾我衣襟塵躉一摻又及河梁悲人  
生處沈困那得惜分離傾身爲飢驅默反良以歛何當辦  
茅屋白首同耕犁

束牲盟伯已薄俗不足讐奔車無仲尼植立要自求男兒

慎齋詩鈔卷上

十四

不得意觸事滋盪郵晨興戒脂牽薄言遠行遊出門忽迷  
方四顧無可投鴟鴞鳴路隅徃狒當道周射工更潛景含  
沙伺行輈亮無鴻鵠翅高騫謝凡儔浼身蹈塵趨奚適能  
自由往事那復道相望崇靈修

朝發碧湘門莫宿巴邱湖吾鄉盛風騷良日懷三閩龍舟  
截狂濤士女殷且都鉦鼓鳴淶水棟裏沈芳腴我心感佳  
節我行方遠徂以我戀家山知子懷征夫葑年泣麻衣去  
年哭張嬖哀哀松塘兒宿草成荒墟仍歲骨月恩酸涕灑  
欲枯死者宿草積生者搏沙如風雨黃陵舟殘燈明菘蒲

萬感并遙夕江流爲嗚嗚

風雨登岳陽樓觀漲歌留別子庶

我行湘中下湖水連旬波浪搖孤蓬今晨風雨望鄉國但  
覓來路銀山中洞庭南來匯眾派吐納日月專其雄秦陰  
殺氣破天膽空雷白晝鳴洶洶層樓梢雲闌高矚黃霾下  
瞰迷鹵束可惜一條蒼色玉當流芥我雲夢胸巨靈無神  
叱不去玄冥唯諾無折衝忽然駭浪打樓底橫風吹耳鳴  
欄櫂銀河倒翻六鼇踣百靈颯逕來天宮赤恐此身竟仙  
去造次鶴背冷飆沖凜然踣土如踣浪用孟東野詩語意令我擬  
足無情容我生頑健便湖海飄泊巨類莽與蓬神仙富貴  
百不遂廊廟江湖兩無功笑謝江神太矜借作此巧劇煩

慎齋詩鈔卷上

十五

蛟龍傷者周君我親串探奇喜此尊酒同連牀瑣語鷄五  
旦握手一嘯凌蒼穹不嫌風浪阻脩路但惜良會旋怱怱  
銀濤眴眼溼雲薄榜人倚檝支雙岫沙頭鶴立布颿遠別  
君去矣何時逢歸舟東望碧天滿莫艤冷雨嘶斜風

巴陵別周氏妹

我居洞庭南汝居洞庭北湘流入湖波朝發至可夕一窮  
縛兩腳五載不一覲昨來造汝闈見汝瘠且墨艱虞并契  
闊百念肝肺窄汝又病噉噉相對唯惻惻頗聞重闈深嘉  
汝有懿則駐留我雖暫稱說爲耳塞女子歸有道德福理  
莫忒我別何足念願汝加餐食

天女散花畫扇爲鄭止川太守題

羽車初下玉龜山試手瑤華落錦班笑付東皇好春色莫

教狼藉到人間

首句用嚴給事語

上界香巖隔碧空憑誰結習寫驚鴻動搖懷爽仙風滿春  
在冰綃玉簾中

六月初五日作

時在武昌舟中

魚龍吹浪海濤飛江漢洪荒又一時禹迹茫然餘大別楚  
州誰爲鎖支祁漁舸拯溺宵無肅雉堞棲流午罷炊一幅  
監門圖畫在羣公何以濟時危

羈懷連日雨如煙牢落關河大水年白浪但看魚入市青

慎齋詩鈔卷上

十六

衫誰識杞憂天李悝荒政原中策長孺便宜莫再延聞道  
羣公思活國罪言無補漫拳拳

晴川樓遠眺

漢川東望望瀟湘二水中分似故鄉萬里孤雲數行雁晴  
川樓上倚斜陽

黃鶴仙人笛不橫臨波樓閣自崢嶸江湖一劍無人識影  
落奔濤似不平

將之襄陽贈周翁

山

衙池乾萍秋縱橫荒園曙禽催客行連檣三日造我闢破  
履闢木聲彭鏗怪翁七十髮未白談琴讀畫有氣力長松

倚壑回春容老鶴盤霄健秋翻武昌城外長江流搏沙一  
聚風馬牛作詩贈翁翁憶我隆中山北峴山頭

襄陽

荆門遠岫碧煙空故壘栖雅近渚宮地勢襄陽三楚北風  
流耆舊大江東河聲遠接秦關險驛路秋明漢戍雄欲訪  
臥龍評往事莫雲衰草古隆中

襄陽九日雨中得賀學使柘農書承并及舍弟季高近詣  
感而有賦因以寄懷

四明狂客老未老九日南城樓上樓水國魚龍歸夜壑春  
風桃李占高秋書來漢上鐙花喜夢入家山客枕愁獨羨

慎齋詩鈔卷上

十七

聯牀風雨夕絕勝飄泊在徐州時方與尊兄耦庚方伯里居

十二月初七日雪後遊習池峴山諸勝返憩張氏園示崔

生注園爲張文貞公東之祠堂

名山歲莫愁幽獨山鳥呼人已三肅人間何意有崔生瘳

馬霜風共遊躅是時積雪滿巖礪城外諸峯如立鵠陂陀

屈折轉平衍漸見叢祠兀山足高陽池水碧叵深去聲石

檻空青檣六曲沱萍綠亞珍珠泉盪眼紺圓不容掬池中水名

珍珠泉涌出如珠彥威故宅荒蒼苔反鑱柴門無剝啄東行卻望

峴山路很石敲鏗下山麓羊杜勳名安在哉千古豐碑葬

巖腹荒邨虓虎耕野煙此地數年并患虎落日牛羊下平陸自有

宇宙有此山可笑鐫功計陵谷大隄南首張公園園外疏  
松間叢竹瘦者道人揖我入遺象清高王者服想見當年  
颯爽姿正色牝朝羣小伏幽靈不死淪石中一片梅根殿  
前臺座前石方二尺許吁嗟四賢去此幾千歲蒼舊風流  
渺誰屬身名尚說古人期過眼風光如轉燭古來賢達已  
如此把玩浮生那忍觸歸途暝色來天地仰見高鳥翔林  
木天寒欲雪人不知馬上風來頸先縮期生雪霽還復來  
要看千山萬山玉

谷隱寺

亂山圍古寺細路入松林踏葉聞僧語敲門響谷音石泉

慎齋詩鈔卷上

六

風磬落苔雪佛堂深坐久客魂冷翛然生道心

宋搨淳熙脩內司帖

爲止川太守作

淳化以來有官帖古蹟追摹千百疊使君何處得此本錦

段珊瑚照縑匣鍾張驚笑羲獻泣虞褚歐顏奮髯鬣淳熙

款識脩內司楷字雙行書歲甲自從眞蹟龍騰去晉唐楷

則誰能諜昇元無復南唐遺

南唐李後主取晉唐眞蹟摹勒上石爲昇元帖乃淳化閣

帖祖棗木銳櫃付灰劫

淳化帖用銀錠櫃棗木版故官帖往往有銀錠紋禁中大災版撥

後來大觀與太清補綴褻留差有法紹興監本乃其亞價

紙失傳妨僞搨此外臨江潭與絳派別條分費氈蠟玉環

飛燕隨纖濃紫鳳天吳相燭闌是本蚤仍侍書舊邊幅雖

詭精爽接卻看肅府鴻堂書今世俗所藏率多此二種何翅東施對嬌

靨當年好古查初與何義門小印泥紅三百押宗伯學士此

珍護給諫平生幾裝貼夜壑藏舟深復深乃與鄴侯充笥

篋向來神物多平津會合流傳理難狎夜間玉虹穿屋椽

雪後天星芒四市囑君牢鑲玉麒麟隄備五丁來取攝

樊城送胡雲閣學使還京

惜別京華又十年茫茫塵海磨牛旋春風黔嶠雙旌轉泥

雪沙河信宿緣去國心同千里外還

朝身重五雲邊星輶明發樊城道鷓退鵬飛各惘然

寄贈張明府兼呈阮谷廉刺史龐心齋紀盧疆大令

慎齋詩鈔卷上

婁江東望海雲開萬古清流入壯懷采筆氣干星斗上仙

郎身見宰官來東州霖雨三春滿南郡甘棠百里栽海內

循良望君等未應久屈士元才

鄭公鳧鳥渺煙塵苦些難招楚客魂謂止川太守終古龍隄傷

往蹟祇今華屋想生存冬帔定誰憐北叟任昉幼子名時太守仲子甫十

許秋風吾亦返南轅懸知袞袞羣公在休要唐衢把淚痕

登襄陽城樓

漢江西下思悠悠斜日孤城坐上頭千里鄉關添戰壘楚時

楚時騫陽官兵南下一年歸夢繞扁舟山圍廢砦風雲老沙擁

蠻河日夜流芳草登臨無限意未應閒倚仲宣樓

爲阮生題真

阮郎風調未易得玉可辟寒犀辟塵朽罷惜無王左手琴  
書邱壑失天真

隆中謁武侯草廬二十四韻

武侯昔未遇躬稼南陽田海內英雄滿斯人邱壑專風雲  
屯輿主魚水急高賢天意興炎胄真人駐寶鞵崎嶇揮羽  
扇談笑運機權鼎足酬三顧雄圖出萬全縱橫結吳楚浩  
盪動秦川火德西南燼孱隅歲月延長星奔戰壘素纛變  
戎旃歐血成孤碧餘魂走豎羶淒涼遺表讀慘澹陣圖傳  
有客來襄漢臨高思杳緜風塵方浩浩湖海漫拳拳故國

慎齋詩鈔卷上

三

郊生馬蠻鄉矢控弦江山連險要耆舊渺風煙卽事元多  
感奇才況可憐廬荒花濺淚龍去洞疑仙古柏窺蒼鼠空  
山叫杜鵑斷碑僧曝衲虛殿覲祈筭太息隆中對悲歌梁  
父篇西瞻斜谷口南望鹿門顛感槩兼懷古沈吟一泣然  
答客三首

顏回食埃計非得項橐捄敵情亦迂歎我不材人所易敢  
嫌生計爨中枯

見飴未擬取黏牡作鏡那期與蓋卮笑謝故人推轂意方  
穿棗軸恐非宜

喜雅惡鵲我自拙僞鳳真龍君亦休世事向來同墮甌此

中差喜侶虛舟

萬氏講堂

初日在屋梁好鳥鳴暄琴萬山弄朝秀似與幽人尋開軒  
面南岡露泣朝樹陰宿麥被晨隴疎篁靚遙岑遇物足怡  
悅塵冥難處心取適詎云多茲焉憺余襟

鄧湘學博以五蓋山石硯見遺賦詩志謝並畱見題拙  
集之作學博舊有湘石硯詩凡三疊東坡仇池石韻雅  
愛賞之亦次韻奉呈

五蓋來郴陽縹緲際天綠雲根闕光采盤鬱千年足何年  
破天慳寶氣洩巖腹遂兆文字祥照坐紫雲蹙當其匿溪

慎齋詩鈔卷上

三

阮那免困樵牧

石未出時土人  
填塚發壁皆是

一朝功翰墨拂拭不敢瀆

尤物固有時適用卽珠玉殷勤南邨翁抱寶久棲伏前承

錦段投預以驂騮卜顧非鄒枚材詞賦紛馳逐又愧秦鼉

儻墨藻韻山谷得此含風漪

研背作  
風字形

僭賜溢所欲夜來虹

貫月列星粲水曲臨池摘冰髭凍筆癡不速

蔣伯生大令家黃桂四株忽一株變作丹桂繪圖索詩

仙人手把古香栽一夜西風妙剪裁絕似剡溪溪畔路疏

林紅雪對秋開

聞道蒲車桂水東花開子舍滿清風不須更待靈椿老已

放燕山爛漫紅

謂蒟蒻奇男刺史  
時官桂東知縣

鄧湘翁以松竹園雅集圖屬題爲其兄雲老壽時余將往

湖北兼示舍弟季高

羨君兄弟老逾篤竹枝多節松多壽新秋一葉下名園選  
勝暮觴集朋舊瘳影水雨斑斑銀鬢揮杯松韻寒卅年  
舊約對牀客君舊有聽雨圖一笑今日猶朱顏我家湖北松塘屋  
塘畔疏松間叢竹貧居兄弟離別輕何日園林踵芳躅晴  
川歷歷漢陽城明發阿奴送客行題詩寫寄發遙慨西園  
坡頴知我情

同人冒雨尋白兆山桃花巖中途雨甚小憩山寺被酒有  
懷太白三首

慎齋詩鈔卷上

三

殘宵聞輕雷破曉辨遊躅老筇動高興意行復誰促濛濛  
城西渡野水帶寒玉東風信馬蹶洲草萋已綠連畦平衍  
盡複岫嶇嶇續陰霾淫危空綫路瞰幽谷迴風吹雨來萬  
壑響琴筑平生謫仙人高歌在林麓粉房望咫尺不得騁  
吾足置此下山去山中酒應熟

我愛謫仙人不作謫仙詩我敬謫仙人痛飲真吾師平生  
國士風餘事乃文辭堂堂汾陽公中興造唐基誰令翹關  
卒祓釋起囚纍赫赫高將軍指使如僮兒荊州逆豎子豈  
肯相因依觀名計之實皦皦固奚疑薦賢不受譏反以罹  
讒譏至今讀書處古柏號風悲我來弔君才亦不爲遨嬉

狂吟酒一杯，醉君君儻知。

奇探不可窮，勝遊不必補。未到桃峇巖，衣著桃峇雨。嘉我同遊客，風韻皆舉舉。亦有冠與童，清婉稱儔侶。酒光與山色，襲襲入襟履。歡言不盈時，暝色落高樹。細馬蹋連錢，黃鸞送歸路。人如雨，淋鶴醉影自掀舞。吾遊亦偶耳，取適固已足。不辭泥濘勞，愛此野陰莫。回頭詢所經，雲深不知處。荆州留別友人二首

聲華王謝想，風流五馬聯。翩翩典數州，孔翠冠披蠻。微雨猩紅燼，捲蜀江秋地形全。楚居維首勳，業他年數黑頭。蚤晚封圻君，努力世家忠。孝踵苻修。

慎齋詩鈔卷上

三

來時春雪去，冬風經歲吟。遊汗漫同銀燭，對談絃拉雜。柳枝傳唱句，玲瓏異時詩。酒尋陳迹似我雲山憶，楚宮點檢扁舟待。明發劇嫌霜信太，恩。

王平舫學博扇頭藤花

絳葩細鄂劇風流，山徑陰森長瘦蚪。一道午風吹不斷，綠雲深處密香秋。

題畫帳

澹綠深紅妙剪裁，銷金殘夜夢初回。何應更著呢喃燕，撩撥春思入枕來。

述懷題學士謝向亭師讀書秋樹根遺照二首

兔册誚文士書簾嘲經師文章無世用何異菴綴絲叨迺  
排比間故出倣效爲以此名人文得不顏忸怩先生古人  
儒抱負奇世姿少歲弄文采高科掇巍流落人間者已  
足矻靡卑獨愛萬言書懷槩嗽

天扉上言綜名實下言肅吏治吾

皇新政勤闢門渴疇咨賈傳死明時陸相壽不耆至今展  
遺象松柏留須眉想見冰雪心一卷長自隨詩書映古兒  
草樹生光輝開卷何所吟掩卷何所思胸中治安策不及  
試手施秋風爲公淒秋樹爲公悲文詞餘事耳那足爲公  
奇

慎齋詩鈔卷上

三

公昔嘉慶間玉尺程楚產棘院秋嚴嚴穀陰綠婉婉我辰  
童子科試席獻文卷眾中獨見詫賞異忘幼賤誇我辭賦  
才期我廊廟選延譽動羣公翁鳳西方伯李松雲各青眼是時  
佳公子紅纏抹青鬢皆伯潛公子即相揖各雍容風雪衙

齋飯那知廿年間流光如電捲我公騎鯨魚玉樓去不返  
存者千萬篇落落賸圭琬賤子蹋京塵三至足生鬣長安  
無賀監痛哭滄江晚兒時拜公門覆額髮未辨今日題公  
圖鬢毛帶霜縮期許憶平生得不悽以赧所望公子賢弼  
默紹堉彥世家忠孝業努力前途遠我材如冶金屢躍意  
不損但懷酬所知勉志竭鈍蹇平生感意氣肝膽結孤滿

成連海上思羊曇華屋歎悠悠千載心披圖寄遙緬

劇席一首效楊杏農孝廉作題其詩卷

華筵小醉珠樓春妍歌巧笑聲入雲眼花耳熱腹芒角一杯更對君詩新愛君俊氣健於鶻哦詩濤翻口角沫筆底仙才復鬼才秀色呼嶸楚山兀陽春白雪誰復聽折楊皇芩萬耳傾穿雲有調君勿貴亢藝圖龍人所諱

沈石田慈月軒橫卷刺史胡竹安師屬題爲太夫人壽圖爲蕭芝水判官篋中物沈栗仲大令持贈刺史者並有

詩

金波一幅秋痕滑流光園園寫銀闕人間此畫幾何年絕

慎齋詩鈔卷上

三五

似郴江江上月郴江官居蔭清樾三五盈盈木杲發先生將母來郴江侍景婆娑櫛銀髮春溫夕照綵服斑秋靚宵明篠房潔回思此月五十霜鐙影機聲眞一瞥羨公老著老萊衣刺郡剖符佩玢玖九仙二佛慈光接三湘五嶺春暉闕公餘盛事傳佳話蕭郎長物從頭說作畫贈畫二沈生四百年間兩奇絕軒前竹柏林光秀軒後蓀蘭露華綴當年明月在指端直爲慈懷寫清豁謳江儒官門下客讀畫上壽金樽凸但聞懸悅在清秋歲歲中天寶輪澈

中秋後

三日生

金湘門觀察招飲衙齋承以所著漕事雜咏詩見示時聞

暎夷就撫沿海解嚴感事書懷輒有此作

長沙古城十月末菊花黯淡梅花發從君夜醉江南春蟹  
螯落手金杯滑關西夫子人中傑

謂楊介平中丞

當年識君眼如

月平生我及關西門可歎春風久銷歇東南陸海天所開  
龍驤萬斛綱船催承平丁吏怵巧法百匿只倖天網恢似  
聞年時運多梗涸地寸步萬牛回君今千將楚漕最力挽  
積弊驅風雷士安轉粟親畚畚易于腰笏趨塵埃誰言十  
載江湖倦風月無情寫幽怨袖中一曲于菟歌莫作尋常  
句圖看吟邊寄興風塵多老去憂時須髮變時清未盡舟  
楫材邊寄況需梁棟彥滄溟六月翻蛟鼉江南江北哀鴻

慎齋詩鈔卷上

三

多島夷風檣鼙鼓急海氛埽蕩煩

天戈漢家文景富庶久率土職貢豐穰歌軍儲蹙費那足  
惜翦滅未遽傷天和聞古能戰乃能守舉棋不定將如何  
朝廷服遠尙文德此屬豈可徒撫摩况聞夷情極叵測生  
靈荼毒嗟薦瘥知君體

國富奇畫落落結輩未足歌沈吟佳什發餘慨書生罪言  
君勿訶

徐太孺人壽詩爲吳南屏孝廉作

春風微和春日長今日何日開華堂堂中老人八十強絳  
帷霞帔雙瞳方問母何爲壽且康無乃仙媪傳丹房不然

福者德之償敢求阿母言其詳母謂我事皆尋常勿以才  
語相鋪張少年佐夫甘苦嘗辛不嫌素留雌黃中年兒女  
各成行兒讀楹書女懿筐推肥就瘠減橐囊不信人間有  
禎祥祇今年齒及榆桑篋有餘衣益餘糧兒能射策干  
聖皇婦能烹鮮供姑嫜剡麻考縷老未忘要以勞善師敬  
姜餘事賙賁逮焚孀豈與巴婦爭歎穰我聞此言心寫藏  
乃知厚德坤無疆自古積善家餘慶況母福德誰能量吉  
月巖卯訶瘴剛花朝春色仙桃香羣仙排雲進瑤漿西母  
一笑三千觴何以侑之傾琳琅洞庭張樂君山蒼巴人一  
曲歌未央聊譜樂府都荔章

慎齋詩鈔卷上

三七

城南餞別圖爲賀柘農侍御題

有引

道光己亥秋日小集城南餞別賀柘農侍御赴

闕會者十人湯叔尺蠖作城南餞別圖同人皆有詩宗  
植末也逾年侍御南還仍以此圖見示並督前詩時嘆  
夷猖獗絜年浙江之甯波尙未收復湖廣頻年大水崇  
陽奸民蠢動岳州戒嚴官兵捕勦月餘甫定因念己亥  
之秋距今數年間時事頗多故矣撫時感事補作一詩  
奉呈

曾陪帳影古城隅一笑先生自故吾文字有緣秋色好江  
山無恙歲華徂湖天又見魚吹浪海寇仍聞虎負嵎憂

國如君定何策披圖聊爲鼓隳胡

沈栗翁逸老堂詩三首

遊宦嗟我勞退耕非我任造物逸我老行休當及今沈翁  
三畝宅乃在城南岑虛堂納微爽平臺俯層陰西望嶽雲  
浮南眇滄波深頰鱗思靜淵倦羽尋幽林斜陽紫翠來回  
風開我襟卽事有真適邈焉忘華簪

東山娛絲竹未能忘富貴南邨蔽牀席那免傷貧頓誰言  
斗室中琴尊得行志明軒著圖書文瓚綴蘭蕙秋來黃金  
菊粲粲香拂砌亦有水仙花識君歲寒意孤根謝膏壤冷  
豔絕凡卉伴君晚節昌瓶盎好滋植

慎齋詩鈔卷上

天

少日句章居喬木參天青浮湘二十年結此屋數楹江湖  
老寓公婚嫁粗送迎翹首望天末海波翻狂鯨哀哀古明  
州礮車走雷霆生靈遭死傷忠魂慘嬰城謂制軍裕謙及  
總兵鄭葛諸公  
田廬爲飛煙市井污羶腥蕩滌自有日喪亂可憂驚君勿  
懷故鄉故鄉難爲情願作千年居扶杖謳太平

鄒子湘之室羅麗生工詩善畫今歲秋嬰疾以卒子湘悼  
之不已出其所著碧芙蓉館遺草見示並索題辭異時  
宗植兩女弟皆能詩皆不幸早卒次妹適巴陵周氏者  
詩尤工著有幽香閣吟草卒時無子踰年妹壻蓮舫明  
經亦相繼下世才豐運促千古同悲感觸於中成六言

二首

芙蓉詩格千載樓閣前身五雲收拾惟屏翰墨休教鬢損

黃門

吾家阿芬有語慧福兼全大難慧福兼全自古難幽香閣吟草中句也見湖南女士

詩鈔莫唱幽香詩句秋墳夜雨巴山在巴陵

湯雨生貽汾石城送別圖為賀潤山作

兩載瞻園遊紅纏搖酒缸潤山就婚唐鏡海方伯江甯署中今朝石城別

江波理歸艘歸艘遙遙春柳碧長江萬里生綃尺畫師要

寫望雲心不是瞻園圖不得先是潤山屬兩翁圖瞻園歸不果作臨別乃作此圖

來兩親正倚閭綵衣蹁躑舞回裾看君俊氣任履屐豈合

慎盦詩鈔卷上

元

巖壑著石與文字江山酒一壺男兒莫作煙波徒他時長

風萬里浪重倩詩翁染畫圖

抒情上祁壽陽尙書十六韻

當代人倫表明公地望高吾

皇自英叡命世得賢豪莽莽時多故蒼蒼首重搔兵戈巖

島戍金幣戢夷饗滄海方填壑黃壚又鼓馨龍門無績報

雁澤有哀替贊畫今房杜經綸古益皋樞廷資密勿農部

獨賢勞

咨傲紆宵旰聲名事晦韜憂時元鬢改許

國赤心操昨謁宣南第重欣冀北遭賓朋盡桃李風月入

醕醪迂抱存孤尚溫言荷寵衰終慙一狐腋奚翅九牛毛  
感躍鳴金冶沈吟拭寶刀微詩效狂斐敢望擢蓬蒿

丙午九月五日同賀柘翁楊杏農小集馬氏山莊奉陪鄧

湘翁雨中看菊花卽席有作

長沙城古池館少出郭逶迤得清矯一尊此地作重陽勝

踐不應煩介紹予初未識馬君性農敦促之也是時常暘眾芳槁連日澍

雨無昏曉頓教秋色發春容千菊離披映澱沼小樓曲檻

列盆鉢玉蘂金英鬪清好主人歡呼添酒籌蟹螯落手金

樽倒坐中老宿四明翁武陵楊侯盛文藻南邨老翁老未

老對花劇飲破花惱舊聞此物制頽齡試揀霜枝插華皓

慎齋詩鈔卷上

三

還須更語賢主人花徑年年爲翁埽湘翁今年七十

張曉峯 內廷校書圖卽送計偕北行君更有從戎圖索

題恩恩不暇屬草首句及之

粗官渠當恩子故友少見如君此去舊巢新埽要將史局

尋論近聚譚云爾

少日儒冠 仗謁回首觚稜夢還笑我何堪頽將因君頻

相眉間時予亦倚裝北行

慎齋詩鈔卷上終

